

کلیات علمی :

عدد - ۱

هائے کربلا !

محرری

ابن الامین علی حیدر علمی

آرامکسزین خلد سعادتدر ای کوکل .
رومال آستانه آل عبا اولان
دارینده نائل اولور مجد ورفعتنه
الله یولنده مظهر سر فنا اولان
ابن الامین .

ناشری

« عبداہ رأفت »

مهرسز نسخه لر ساخت

در سعادت

مشترک المنفعه عثمانلی شرکتی مطبعه سی

باب عالی جوارنده ابو السمود جلدہ سندہ نومرو ۲۷

۱۳۲۹

بیان مقصد

بدایت تشککنده امثالی نا مشهود بر سرعت خارق العاده
ایله توسیع دائره موفقیت ایلمین سلطنت جلیله اسلامیه نک اولین
عظمت واجلالی دور کزین سید المرسلینی متعاقب جلوه نمای
ظهور اولان اختلافات وخیمه نک تأثیریه مبدل ضعف وزوان،
عصیت قومیه، حمیت جاهلیه بی او یان دیران او اختلافات وخیمه نک
دوامی بین الموحدین وسیله جنک وجدال اولمشدر. برحالده، که
مکارم دینه دن زیاده سعادت ثروتک پرستشکار احتراصی اولان
دلردکان امتک سودای منفعتله ارتکاب ایله دیکی تشبثات خسیسه
اهانتکارانه اخوت اسلامیه بی پایمال ایله رک اجیال ناجیه
موحدین بیننده ازلی بر حس خصومت او یاندر مشدر! ...
بلای موحش انفراد کی بر طاقم نتایج البیه وحدت
شکمنانه بی تولید ایدن او حس خصومت بالاخره احتراصات
شخصیه، هوسات خصوصیه تبعتله ایقاع ایلمین منازعات
قومیه نک تجدیده پیدای دهشت ایله رک بین الاسلام اوله

مدهشی وقعہ لک ظہورینہ سبیت ویرمشدر . کہ عالی
نظران موحدینک وجدان پاکنی داغدار تاثر ایلین وقایع
مذکورہ نیک اک جکر سوز نمونہ سی تصویرى اساس مقصد من
اولان هائله کر بلادر .

کر بلا ، کہ مشہر مصائبدر ! بر فرقہ بی زوالک
خون جوشان شہادتیاہ مخمر اولان ہر قبضہ خاکی قوتک حقہ
غلبہ سندن متولد الیم بر مظلومیتہ شہادت ایدر !

کر بلا ، کہ نمونہ نمای خیر و شر در ! سودای جنایتہ
جانلر یاقان ، خانمانلر بیقان بر ظالم بی امانک معصوم قانی
ایچمکدہ کی درجہ اختصاص ایلین پسندانہ سنی بحق ارانہ
ایلر

کر بلا . کہ جد لکاہ نورو نارددر ! جنایات فاحشہ بی
دین نامنہ ارتکاب ایدن مقتدای ارباب غدر و کینک تسویلات
لبیانہ سیلہ عزم کبی جدی ، پولاد کبی متین بر ملتک آخلاق
وحیبتندہ خصولہ کلان تحولی کویسترر

قانی بر عصیان نتیجہ سندنہ تأسیس ایلدیکی اریکئ سلطنتک
بقاسی ایچون اصحاب فضل ونجدتی ظلم وعدوان ایچندہ محو
ایدن غدار بر عائلہ نیک محمول ملعتی اولان هائله کر بلا ،
بر حظیرہ خونین فلاکتدر ، درونندن یوکسلن اینلر ،
سیف مسلول اهانت آلتندہ جسم نا توانسندن آقان آل قانلرم

باقه ، باقه ، عازم گلشنسرای شهادت اولان بر شهریار اصلتک
دم احتضارنده بارگاه الوهیته رفع ابتدیکی آوازه واپسین
انکسارک طنین جگر سوزینی تفسیر ایلمر . که . فیض تربیه دن
محروم بر قلمک محصول عجزی اولان شو سانه حقیقانه
کریه یتان کی حزین ، آه مظلومان کی مؤثر اولان اوطنین
پر سوزک بر اسلام قلبنده حصوله کتیردیکی تأثرک ناچیز بر
نمونه سی ، وجود بولمش بر تمثالیدر . نواقص طبیعیه مشهورده .
سندن طولایی ارباب مطالعه نک عفوینی تمی ایدرم . مقصد
ابراز فضل و هنردکل ، استجلاب همت حیدردر و من الله التوفیق .

۱۰ تشرین اول ۱۳۲۷ : ابن الامین علی حیدر علمی

فیض حریتله تزین ایلیوب ادراکی
حکمت اسرار استبدادی تفسیر ایلدم
ظلم و غدیری ، عدل حقانیتی اظهار ایچون
واقفانه قانلی بر ماضی بی تصویر ایلدم .
ابن الامین

مدخل

ظهور اسلام - احوال چهاریار - شهادت مجتبی - تغلب
ابن سفیان - حواشی .

میلادك یدنجی عصرنده ایدی ، که خورشید جهانتاب
اسلامیت خاور هدایتدن شعشعه نثار سعادت اولدی .

عصرلردنبری بر ساحه سفلی « الحکم لمن غلب » اولان
جزیره العرب ؛ عرش اعلائی کالدن نزول ایله شوره زار
ضالانده کمکشته راه اولان امی بر قومه ارائه شاهراه فلاح
ایلین ، حکم ازایمی ، تأثیر حکمرانیسنی لمحّه بصر کبی آز بر
زمان ظرفنده توسیع دائرة کمال ایلیه رک ابدیت کبی زوال
ناپذیر بر سلطنت وجوده کتیرن قانون اعجاز نمای محمدینک
مشهر معجزاتی کسیلدی .

هر بری فطرتک بذل احسانده امساک ایتدیکی مزیات
جلیله نیک معجزه ذی حیاتی ایکن ساحه تنکنای جهاننده خیمه
نشین بدوت اولان سر آمدان ابرار عربک بلاغت قرآنییه
مغلوباً تصدیق احدیت خصوصنده اظهار ایلدیکی تهالک صمیمانه

بین العرب فکر مبین انتباهك سرعت انتشارینی تأمین ایلدی .
برحاله ، که اکابر اشراى مشرکینک تشویقات مضرة
خائنانه لریله احمای سیدالمرسائینه تشمیر ساعد اهتمام ایدن ،
بالاخره معجزه قرآن عظیم الشان ، عنایت محبوب یزدان ایله
نصیبه دار جوهر دین وایمان اولدینی حالده خونه منافقینه ارائه
سیف صارم افتخار ایلین دلاوران اخیر عربک غیرت
خدایسندانه سیله احکام دیانت اسلامیه حزب قلیل موحدین
ظرفندن علناً اجرا اولنه رق کلبانک « الله اکبر » آذان
مشرکینه ولوله بخش هدایت اولمغه باشلادی . . .

ینه او عصر ایچنده ایدی ، که معجزات بیغایاتیه ادراک
بشری حیرتله ایچنده براقان شرع مبین اسلامک توسع
وانتشارینه میدان ویرمامک مقصدیله اشراى لایفاحون
مشرکینک ارتکاب ایلدیکی مظالم وحشیانه یه تاب آور تحمل
اوله میان فرقه ناجیه مسلمینک (یثرب) وقوع بولان
هجرتلریله اسلامیتک شوکت وعظمتی آرتدی . . . زمرة
مشرکینه سیف مسلول دیانتله مقابله یه مجبوریت حاصل اوله رق
طرفین بیننده قانلی مصادمه لر ظهوره کلدی . . . فقط
جماه سی ده مجاهدین اسلامیه نک غلبه مشکور سیله نتیجه لهرک
شان جلیل اسلامیت لرزه بخش قلوب اهل ضلال اولمغه
باشلادی . . .

ینه او عصر ایچنده ایدی ، که خلاف عهد ومصالحه
حرکات باغیانیه اجتسار ایدن مفسدین قریش کلیاً قهر و تدمیر
مهده ظهور رسالت و منشا دیانت اولان مکّه مکرمه بر آورده
قبصه تسخیر ایدیلهرک بیت خدای ذوالجلال قبله گاه زمرة
موحدین اتخاذا اولندی . فقط ینه او عصر ایچنده ایدی ، که
عجائب سبعة عالم کبی - هنوز بر ایکنجیلری کوریلهمین -
بدایع خارق العاده بی ایجاد ایدن بر ذکای آتشینک صاحب
ذی افتخاری ایکن فیفای جهالتده پویان اولان قوجه بر قومی
ید مؤید رسالتنده قرآن کبی بر کتاب عظیم الشان اولدینی
حالده مشعل هدایتده منهج اتحاد و سلامته ایصال ایلین محبوب
یزدان . وظیفه ارشادی امتنه ترک ایله عازم عرش اعلا
سمادت اولدی .

« خدایکانه خلوتسرای قربیت
خدو ملک نبوت ، شه فرشته جنود
امین وحی الهی ، محمد عربی
فروغ چشم دو عالم ، خلاصه موجود
کمال ذاته منضم حقایق اشیا
علو شاننه مختص شؤن فطرت و بود
ظهور جوهر فرد وجودیدر بالذات
بدایع عرض ممکناندن مقصود »

ارتحال سید المرسلینی متعاقب مقام معالی خلافت چهار
نیارگرین « رضوان الله علیهم اجمعین » حضراته انتقال ایلدی .
افسوس، که حضرت فاروقدن ماعداسی زمان خلافتلرنده
جلوه نمای ظهور اولان وقایع اختلالیه سببیه اعلاى لوای
اسلامیت مقصد مبجلی اوغورنده صرف ایلدیکی هممات جلیله
خداپسندانک ثمره موفقیتی اقطاف ایدهمامش ، فقط
جملهسیده بر خائن بی آمانک خنچر کین وعداوتیسه عازم
کشنسرای شهادت اولمشدر !

بر حالد ، که حضرت صدیق بر طرفدن حرکات
شناعتکارانه لرله بنیان سلطنت اسلامیه بی دوچار تزلزل ایدن
« مالک بن نویره » لری « مسلمة الکذاب » لری بر غیرت
پیامبر پسندانه ایله طعمه شمشیرتدمیر ، دیکر طرفدن قلعه شامی
بالمحاصره قرین ضبط و تسخیر ایشیکن بر عجزه یهودک هلهل
اهانتیه [۱] اکمال موفقیت ایدهمکسزین عازم خلدبرین اولدی!

[۱] ؛ حضرت صدیقک سبب موتی حقنده روایات مختلفه
واردر . ظمنزجه موافق حقیقت اولسی لازم کلن روایت
شودر :

جناب صدیقه آشنا لرندن بر عجزه یهود طرفندن بر مقدار
سملی پنج اهدا ایدیلیر . هشارالیه حضرتلری اشبو برنجدن
طیح ایتدیردیکی « حزیره » نام طعامی بالتصادف اوکون نزد

ليس لحى فاعلمنه بقا
وكل دنيا امرها للفنا

والمك في الاقوام مستودع

عارية فاشروطه فيه الادا [٢]

والمرء يسعى وله راصد

تندبه العين ونار الصدا

يهرم او يقتل او يقهره

يشكوه سقم ليس فيه شفا

ان ابا بكر هو الغيث اذا

لم تزرع الجوزاء بقللاً بما

عاليرنده بولنمش اولان اطبىاي صحابه دن « حارث بن كلده »
ايه برابر تناوله باشلاينجه حارث هان النى چكوب يا خليفه
بو طعامده بر سنه لك سم وار ديمش ودر حال طعام ترك اولنمش
ايسه ده برر لقمه اكل ايمش بولندقلرندن سنه نك ختامنده
هر ايكيسى بر كونده بونك تاثيريله شهيداً عازم رياض جنان
اولمشلردر .

العلم عندالله . مطالع النجوم جلد ١ - صحيفه ٩ - .

[٢] حضرت مشارالهمك وفاتندن « خفاف بن نديقه السلمى »

رضى الله عنهمك سويلديكى مرثيه در .

تالله لا يدرك ايامه

ذومئز ناش ولا ذوردا

من يسع كى يدرك ايامه

مجتهداً شذ بارض فنا

حضرت فاروق ؛ صديق ذیشانك بقية تشبثانى اكبال ، شام ،
آذر بايجان هرات كې پك چوق مواقع مهمه به ركز لوای
اجلال ، اجراآت عادلانه وتدابير حكيمانه سياه شان جليل
اسلاميتى ايصال مرتبه اقصى الكمال ايشيكن « فيروز ابولوؤوك
[۱] دشنه انتقام ودنائى او دور دلارای مظفريته خاتمه
چكدى .

[۱] : يكرمى او چنچى سال هجرى ذالحجه سنك يكرمى آلتيجى
صالى كونى مسجد شريفده صباح نمازىنى ادا ايدركن « مغيره
بن شعبه » نك « فيروز ابولوؤوكه نامنده كى نصرانى كوله سى
طرفندن ايكي باشلى زهيرلى خنچرله شهيد ايدلمشدر . سبب
شهادتى :

مرفوم ابولوؤوك بر كون چارشوده حضرت عمره راست
كلير . همان ياننه كيدر ك « يا امير المؤمنين ، مغيره بندن آغير
خراج آلور امر بيورك تخفيف ايتسون » ديه افنديسندن

ثلاثه بر زوا بفضلهم
نضرهم ربهم اذا نشروا

فليس من مؤمن له بصر
ينكر تفضلهم اذا ذكروا

شکایت ایدر . حضرت جواباً . صنعتك نادر ؟ نه قدر خرج
ویریورسك ؟ دیر .
مرقوم « صنعتم نقاشلق وتیمورجیلق دولکرلکدر . خراجم
دخی یومیسه ایکی درهمدر » دیمکله حضرت عمر « یا ابولؤلؤ
اللهمدن قورق . افندیکه ده حسن ظن ایت . صنعتکه کوره خراجک
چوق دکدر . مع مافیہ سن یل دکرمانی ده یایمغه مقتدر ایمشسک
اگر صحیح ایسه بکاده یاپ » دیه جواب ویرنجه ابولؤلؤ
زیاده سیله حد تلنیر . فقط غضبنی کتم ایدهرک « یا امیر المؤمنین ! .
سنتک عدلک بندن بشقه کافه ناسه شاملدر . فقط بن یسه
سکا او یله بر دکرمن یاپهیم که ذکر ی بتون عالمک دیلارنده
طولاشسون » دیوب حضور فاروقدن آیرلمش و ذکر اولنان
حنچری اعمال ایدوب آنکله حضرت عمری وفرارینه ممانت
ایتمک ایستین اون اوچ صحابه یی یاره لدقدن صکره کند ی کنندی
تلف ایتمشدر .

عاشوا بلا فرقة ثلاثهم
واجتمعوا في الممات اذ قبروا [۲]

— * * * —

عين جودی بعبرة ونجیب لآتملی علی الامام النجیب
فجعتنی المنون بالفارس المعلم یوم الهیاج والتلیب
عصمة الناس والمعین علی الدهر غیاث المنتاب والمحروب
قل لاهل الضراء والبؤس موتوا قدسقة المنون کأس شعوب [۱]

[۲] جناب فاروقک وفاتی اوزرینه سلطان الشعرا «حسان
بن ثابت» طرفندن سویلنیلان مرثیه در .

ترجمه سی : «حشر اولندقلری زمان جناب آله وجهلرینی
روتقدار بیورسون ، که اوچی ده فضلرینی اظهار ایتدیلر .
ویدیة حقیقت بینه مالک اوله رق هیمچ بر مؤمن یوقدر که یاد
اولندقلری وقتده آنلرک فضلرینی انکار ایده آنلرک هر اوچی
بلا افتراق یشامش اولدقلری کبی مما تارنده دخی جیران قبر اولدیلر
دیمکدر . مطالع النجوم جلد ۱ — صحیفه ۶۲ :

[۱] بوده زوجهلری «عاتکه بنت زید» طرفندن
سویلنیلان مرثیه در . معناسی : «ای بنم کوزوم سن نجیب
وکریم اولان امامک وفاتندن طولایی اشکریز اول . وزار
وزار آغلامقندن اوصانمه . زیرا بنی ، مصاب و مسلول المال

اختلافات شدیدہ و مناقشات مدیدہ دے دیکر حضرت عثمانؓ عہد خلافتی ابتدا ایتمکہ قرابت قومیہ دن بالاستفادہ مناصب اقتدارہ کچن کروہ بنی امیہ نیک حرکات مستبدانہ سی [۱]

اولمش و دھڑک سلسلہ سنہ اوغرامش اولانلرہ معاونت وناسی صیانت ایدن ، و مخاصمہ و محاربہ کونندہ شجاعت و بسالتلہ شہرت بولان فارس دلیرک ممانی دردناک ایتدی . سن اهل ضرورت و دوچار فقرو شدت اولانلرہ دی کہ سز متواریء خاک ہلاک اولکنز . ساقیء اجل سزک حامیکزہ کاسہ موتی صونمشدر « دیمکدر .

کذا مطالع النجوم جلد ۱ — صحیفہ ۶۲ .

[۱] حضرت عثمانؓ اقرباسنہ صوک درجہ میل و محبتی واردی . بونک ایچون زمان خلافتندہ اک بیوک منصبلر امویلرک اللرینہ کچدی . بونلر ایسہ ہر ایستدکلرینی بی محابا یایمق ویابدیر مق و حتی بولدن کچرکن خلقہ قارشی « صاوولک » دیہ تحقیر ایتمک کبی بر طاقم حرکات مستبدانہ ایلہ بتون اہالی بی دلکیر ایتمشلردی . بونلرک ظلمندن بزار اولان اہالی مکرراً حضرت خلیفہ یہ شکایت ایلدیلر .

فقط اشراى بنی امیہ نیک تشویقیلہ شکایتلری نظر اعتبارہ آلتدی . بونک اوزربنہ ہر طرفہ اختلالر ظهور ایتدی .

علی الخصوص « مروان بن الحکم » کی اشراى لایفلاحونک مقاصد
اهانتکارانه سی [۱] بین الاسلام بر طاقم اختلافات و خیمه نك
ظهورینه سببیت ویردیکنندن استدعای عدل و حقانیت ،
استیصال غدر و نفسانیت املبله هر طرفدن دارالخلافة به هجوم ایدن

عاقبت یهودی الاصل « عبدالله بن سبا » نك اغفالی و حصدن
مملکت لرینه عودت ایدن کوفه و بصره اشرافنك جناب خلیفه به
تحمیل ایتک ایستدکلری خطایانك وزر و بالیله مصردن ،
کوفه و بصره دن بر چوق ناس مدینه قربنده « ذی المروه »
و « ذی الخشب » و « الاعوص » نام موقعلره کلوب طیاندیلر .
حضرت عثمان کبار اصحابك اخطارات خیر خوانه سی اوزرینه
« ظلمة عمالک عزانی و بنی امیه نك تحدید حکم و نفوذینی »
قبول ایلدیکندن ارباب قیام عودته راضی اواشدی .

[۱] فقط بو ائنده « عبدالله بن ابی سرح » ک یرینه مصر
حکومتنه تعیین بیوریلان محمد بن ابو بکر الصدیقک منشور
امانتی « مروان بن الحکم » ک « فاقتلوه » طرزنده تخریف
ایتمی سکنه طیبه نك حدت و تهورینی موجب اولدینی کبی
ارباب قیامک تکرار شهره کیرمه لرینه سببیت ویرمش ، بوندن
صکره هر درلو نصایح و وصایا حسن تأثیردن خالی قاله رق
عاقبت هائله جکرسوز شهادت وقوعه کلشدر .

افراط پروران امتك سيف مسلول اهاتى حضرت خليفه نك
خون جوشان شهادتيله تاريخ اسلاميته قانلى بر ليكه علاوه
ايلدى ! ...

وتركتموا غزوالدروب وجئتموا
لقتال قوم عند قبر محمد
فلبئس هوى الطالحين هو يتموا
ولبئس قتل العابد المتهجد [۳]

باب عالیء مدینه عرفان خلیفه اهل ایمان اولنجه سرآمدان
اکابر اصحاب محضا اختلاف اجتهاد سائقه سیمله انکار عهد و پیمان
بیلردنبری شامده جالس منصب ولایت اولان ، گاه استعمال
جبر و شدت ، گاه انواع لطف و عاطفته کندینی مقتدای انام
طانتدیران ، معاویه فرصتدن بالاستفاده اعلائی لوای عصیان
ايلدى . حضرت حیدر بر عزم خیبر کشای خدا پسندانہ ایله
جمل غائله سینه خاتمه کش مظفریت اولدقدن صکره سودای
منفعتله ترک طریق صلاح ایلین عامل شام و خامت انجام ایله
قطعی بر حربہ کریشه رک « صفین » وادیلری بر زمانلر دست
بدست اتحاد اولدق لری حالدہ اعلائی لوای کلمة الله مقصد مبعجلی

[۳] مشارالیه حضرت تلرینک وفاتلرنده « حسان بن ثابت »

طرفندن سویلانیلان مرثیه در .

اوغورنده کاشانی لرزه ناک دهشت ایلمن جلا دتپوروران اسلامک
معرکه خونین اختلافی کسیدلی ،

انشقاق وحدت ، افتراق امتدن نمونه نمای نشان اولان
مصادمات خونریزانه دن صکره « حکمین وقعه سی » کبی بیک
درلو حیل و دسایس حضرت خلیفه یی اکمال موفقیت
ایده مکسزین کوفه ده اختیار اقامته اجبار ، عاقبت « ابن ملجم ک [۱]

[۱] ابن ملجم طغات خوارجدن واشقیای امتدن ایدی .
کندیسی کبی اشرادن « برك بن عبدالله » و « عمر و بن بکر »
ایله برلکده اللهم حکمندن غیری خلقه حاکم یوقدر دیه
ادعای حاکمیت ایتدکلری ایچون حضرت علی ایله معاویه ناک
واجب القتل اولدقلرینی اعتقاد ایده رک ابن ملجم حضرت
علی یی برك بن عبدالله معاویه یی عمرو بن بکر عمرو بن العاصی
برکیجه ده قتل ایتمک اوزره هربری بر طرفه طاغلمشدی .
برک دمشقه کیدوب معاویه نماز قیلیمق اوزره ایکن
ارقه سندن زخناک ایتدی . طوتیلوب اعدام اولنه جنی صره ده
حضرت علینک دخی او کیجه شهید ایدلایکنی تبشیر ایتمکه
مکافاة حبسیله اکتفا ، بر قاچ کون صکره ویردیکی خبر
تحقق ایده رک الی آیاغی کسمله رک اطلاق و اخلا اولمشدر .
برکک ضربه سی معاویه ناک آرقه سنه اصابت ایدوب عظیم الاوراک
اولغله جزئیجه تأثیر ایتمش و عرق النکاحنی قطع ایده رک
افاقت بولمشدر .

ماومہین وخیم العاقبتک شمشیر زہر ناک جنایتی ابن سفیانہ اخص آمالی
اولان ریاست وسلطنتک سریر احتشامنی احضار ایلدی !!!..
الایا حین ویحک اسعدینا
الاتبکی امیر المؤمنینیا

وتبکی ام کلثوم علیہا
بعبرتها وقدرات الیقینا [۱]

برکک مؤخرآ الی ایاغی کسيلمش اولدینی حالده بصرهده
بر اوغلی دنیاہ کلدیکنی زیاد خبر آلب بوینی ووردیرمشدر.
« عمرو بن العاص » دخی لیاہ معهودہده خسته لہرق نمازہ
چیقماملہ توکیل ابتدیکی « خارجه السهمی » نامندہ برینی قاتل
قتل ایتدکدنصرہ در دست ایدیلہرک اعدام اولمشدر .
ابن ملجم کوفہیہ کلدیکی زمان « یتیم الرباب » قبیلہسنہ
منسوب « قطام » نام فاحشہ خارجیہیہ مشغوف اولمش اودہ
مہر ونکاحنی حضرت امامک شہادتہ و اوچیبتک | درہملہ
برکولہ وبر مشاطہیہ تعلیق ایتمش اولغلہ ملعون سائقہ | محبت
وسودای شقاوتلہ مثال مجسم انتقام کسیلہرک جناب امامی شہید
ایلمشدر ! ...

[۱] حضرت امامک شہادتنی اوزرینہ اعلان سرور

وشادمانی ایدن معاویہیہ قارشو افضل التابعین ابوالاسود الدؤلی
حضرت تلبینک انشاد ایلدیکی سر شہتہ تأثیر آوردر . — فترت الاسلام —

الا ابلغ معاويته بن حرب
 افى شهر الصيام فجمعتمونا
 قتلتم خير من ركب المطايا
 ومن ليس النعال ومن حذاها
 وكل مناقب الخيرات فيه
 لقد علمت قريش حيث كانت
 اذا استقبلت وجهه ابى حسين
 وكنا قبل مقتله بخير
 يقيم الحق لا يرتاب فيه
 وليس بكم علماً لديه

فلا قرت عيون الشامتينا
 بخير الناس طراً اجمعينا
 وذلها ومن ركب السفينا
 ومن قرأ المثاني والمئينا
 وحب رسول رب العالمينا
 بانك خيرهم حسبنا وديننا
 رأيت البدر فوق الناظرينا
 ترى مولى رسول الله فينا
 ويعدل في العدا والاقربنا
 ولم يخلق من المتجبرينا

على شد کشف اسرار قرآن
 ازو شد دین و اسلام آشکارا
 بحر علم او نبود نهایت
 علی شد قائم جنات و نیران
 علی سر خداوند جهانست
 هران مؤمن باو شد اهل جنت

که او شد حامل اسرار یزدان
 ازو شد عارفان و اصل خدارا
 ازان باشد امامت تا قیامت
 هران او را ندانست شد بخیران
 خدا از روی او شد در نمایان
 هران منکر باو شد اهل نیران [۱]

[۱] جناب شاه و لایتك فضائل عالیة خدا پسندانہ سنی بحق
 تصویر ایدن اشبو قصیدة علویہ سرتاج افتخار من ، مرشد
 عالی تبار من السید عبد القادر بلخی افند من حضر تلمینک
 زادة طبع عارفانه لریدر .

که او مسجود شد بر عالم آدم حقیقی آدم مسجود بود آن
خدا خود را از واندرعیان کرد زغیر او خداوند ست پنهان
که او شد مظهر قدرت خدا را خدا را قدرتش شد. زین نمایان
یجر علم او عالم نهانست یجر علم او شد جمله پنهان
ابو ذر ، قنبر و مقداد و سلمان که اینها شد محب شاه مردان
که اینها بندکان شاه باشند با اینها شد فیوضاتش فراوان
هران باشاه مردان بنده باشد که او محبوب میباشد بیزدان
هران از شاه مردان دور گردد که او شد بنده از خاص شیطان
هران کس شاه مردان را نداند که او افتد درون چاه خسران
علی شد منبع بحر ولایت علی شد معدن اسرار قرآن
کلام الله ناطق از خدا شد کلام الله ناطق رو علی دان
زمین و آسمان زو شد منور زمین و آسمان در حکم او دان
علی شد مظهر سر خداوند که اسرار خدا شد زین نمایان
علی باشد محیط جمله عالم درون این محیط است جمله اکوان
علی را از همه تنزیه دانی چنان ذات خدا تنزیه میدان
همه شاهان بدرگاهش غلام است غلام کمترین است از غلامان
علی هم اول است هم اوست آخر که ظاهر باطن هر دور علی دان
علی شد مظهر سر نبوت که «لحمک لحمی» گفت محبوب سبحان
بجمیع انبیاء را کشتی پنهان بمن تو آشکارا باشی هر آن
دیگر گفتا که جسم تو ست جسمم که خونت خون من بر شاه مردان